



24676


kat.komp.


Mag. St. Dr.

P



24676





6.
E L I S E V S
A V R I M O N T A N V S

Defensus. 0457

A V T H O R E
I O A N N E A N T O N I O
C A R N I O L O .

A N N O D O M I N I ,
M . D C , X X X I X ,

274211
A. V. RIMONTANVS



JOHANNES A. RIMONTANVS
CAPITOLVS

246765


ANNO DOMINI
M. DC. XXXIX

E

T

illu
tani
dam
pari
rim
nus
verb
stion
pell
Resp
hac
mun
(ne
niun
lum
no lu
dipo

ELISEVS AVRIMONTANVS
Defensus.

 Difficile est in excellenti fortuna ferre monitorem; longè difficiliùs, vbi perperam egeris, consideratè loqui; neque te in ipsa excusatione accusare. De altero nihil nunc attinet dicere, nec quemquam accuso. primum illud duo Gedanensium ad Epistolam Elisei Aurimontani responsa firman, quorum vnum *Rescriptor* quidam *Anonymus*, aliud *Iustus Patricius*, pari animo, dispari ingenio produxit. Quia verò hucusque silet *Aurimontanus*, siue ipsorum Responsiones luctatione minus egere opinetur, siue infra calamum suum ponat verborum pugna, siue dedita operâ eas defugiat quaestiones, ad quas magnâ vi aduersarius nolentem compellit: idcirco dabimus id officij amico veteri, vt bina Responsa aduersus Epistolam eius edita, quæ quidem hactenus videre licuit, paulisper excutiamus. Ac pri- N.r.
mum quidem te alloquor, mi *Rescriptor* Anonyme, (nec aliter à me deinceps appellabere) laudoque ingenium in te non omnino hebes nec incultum, qui nullum tibi sumere nomen voluisti, vt tanto securiùs alieno luderes in nomine, quantò prospectiùs ne in tuo ludi posset, cauisses. Ita namque post Epistolæ tuæ exordium

dium loqueris: *Ipse mi Aurimontane, quod nominis te inde sumpſiſſe autumo, quia ab hac opera tua preſtita auri montes tibi pollicebaris.* Nec fanè ineptè ariolaris. quis etenim ſibi non perſuaſiſſet, Aurimontanum pro tam ſincera & fideli vobis locata opera, ſi non *auri*, meritò certè (liceat ſic loqui) *beneuolentia montes*, ſaltem à te homine vt apparet non impolito exſpectare potuiſſe, niſi vos adulationum aut veſtri quàm veritatis amantiores fuiſſetis. Sed dum multum te defatigas mi Anonyme, & nimis ſublimè circa Aurimontani NOME N ſpecularis, à ſenſu mentis abſtractus, ad GRAMMATICAM (vbi quidè de NOMINIBVS aliàs agi ſolet) dilapſus es, atq; ibi inter Ludimagiſtros & ipſorum pueros conſediſti, propoſitiq; oblitus tui, non quid Eliſeo reſpondendum, cogitas; ſed NOMINVM & VERBORVM *conſtructiones* examinas. Vt vero de Eliſei ſtylo honorificentius detraheres, vafro conſilio dubiaq; vt reor arte encomia præmiſiſti. *Encomio, inquis, quod paſſim tibi tribuitur argute latinitatis nihil detraham, quamvis puer quidam ſcrupuloſior è quarta claſſe noſtra Mariana conqueratur ſe ſcandalum paſſum Grammaticale ab iſta locutione tua VERBIVM TIBI NON INFERIORVM EVENTV;* quàm bellè encomium illud cum pueri, vt tecum loquar, *Grammaticali ſcandalo* conueniat, tui ſit iudicij. Nobilis ille noſtri æui Grammaticus Gerardus Ioannes Voſſius in magno illo ſuo opere ante trienniũ Ambſtelrodami edito lib. 7. cap: 16. de Conſtructione: *Intolerandi, inquit, ſupercilij res eſt velle latinitatem me-*

Defensus.

5

*tiri non classicorum scriptorum consuetudine, sed iudicij sui
ratiunculis. tu vero mi Anonyme, etiam puerorum, qui
iudicio ferme carēt, offensiūculis eam æstimare es ausus,
varijs ea propter censuris notatus. Lucas Piotrouius N.2.
primarius Vniuersitatis Cracouiensis Grammaticus, vt
pote cuius folius de ea arte præcepta typis edita publi-
cè in classibus eiusdem Vniuersitatis præleguntur, vt
primum Epistolam tuam conspexit, in eaque iudicium
hoc tuum legit, arrepto calamo eidem hæc verba è ve-
stigio adscripsit. Pessime sunt meriti Gedanenses de
Grammatica, dum Latinum eumq; optimum loquendi
modum scandalum dicunt esse Grammaticale, quo etiam
nobilissimi sunt vsi authores. Plinius lib: 3. Naturalis Hist.
cap: 16. Padus nulli amnium claritate inferior. Salust.
lib: 2. Hist. Ea continentia vir grauis & nulla arte cuiquā
inferior. Sed & eandem latinitatem probari inuenies
apud Vossium lib: & cap: citato, aut si mauis antiquio-
res, apud Ioannem Scoppā Neapolitanū lib: 3. & lib: 5.
Venetijs, Anno 1534. edito, apud Despauterium de iv.
Grad. comparat. apud Thomam Linacrum Britan-
num de emendata structura latini sermonis lib: 3. Ba-
fileæ cum Epistola commendatitia Philippi Melantho-
nis anno 1553. impresso, & denique apud omnes fer-
me Grammaticos quorum generalibus etiam regulis
hunc latinum loquendi modum asserentiū totas acies
in chartam educere & explicare sicut etiam aliqua La-
tinitatis. Scandala è Responsoria tua colligere liceret, si*

nugari liberet. Sed nobis non vacat esse tam disertis, qui Musas colimus seueriores. Vides quàm periculosum viris sit ad puerorum ludos descendere, alius inuentus est, qui ea quæ de *puero quartæ classis* scribis existimarit non de *puero* scripta esse, sed à *puero*. Prætereo aliorum censuras, ne me addere existimes. Verùm indulgendum aliquid ætati est. excuso puerum. Nil mirum si *puer* quispiam *quartæ classis* vestræ *Mariana* eam latinitatem non intellexerit, cùm & in prima atq; suprema scholarum vestrarum classe quandoque barbari Grammaticam vix totam intelligatis, quod vel tuo exemplo elucet, qui haud paulò quàm puer doctior, hæc tamen ignorasse videris. Sed & te excuso. Neq; velim existimes te ideo à me inter malos Grammaticos numerari; nam iuxta Quintilianum (lib. I. In-
 3. stit: Oratoriar. cap. 13.) *inter virtutes Grammatici habetur aliqua nescire*. Vt vt tandem sit, mi Anonyme, si animi mei sensum penitus introspicere cupis, in ea versor sententia, te haud errore seductum, sed prudenti solertiâ in hos Grammaticales scopulos atq; consultò impegisse, velut ingeniosus Orator, qui vbi in aduersario maiorem vim aut eam dicentis materiam intuetur, quam multum ventilare non sit consultum, eam iocorum festiuitate & quibuscunq; potest digressionibus eludit, atq; hanc vt de te quoque caperem opinionem, tum me induxit captiosa tua verborum citatio, dum ab Aurimontano ysurpatam loquendi formulam

mulam subdolè nec integrè refers, tum consideratum iudicium tuum, candorq̃ue alicubi & sagacitas ingenij, quâ in Responsione tua ita prudenter stylum moderaris, vt quæ negare non potes ingenuè fatearis, facetè alia, alia cautè & obiter pertranseas, multa silentio absolvas, nonnulla extra propositum in rem tuam sapienter immisceas, in plerisq̃ue fermè alio deflectas: Simul tamen & respondisse videaris, & vltiorem concertationi occasionem submouisse; adeo vt laudandum te magis censeam quam confutandum. Quamobrem etiam amplius te haud morabor. Quæ commemoras maioris esse ponderis quod alius iudicio maturior (agnoscis tua verba) pompam verborum segregans has solum primarias Propositiones ex toto scripto eruerit. Dantisco imminet interitus quia Dantiscus prædixit, quia *ALIQVÆ VRBES* arma capientes excise, ea iam *IUSTI PATRICII* fecundius ingenium refutauit; qui non tantum *LONGVM CATALOGVM VRBIVM* aduertit, verùm etiam plures propositiones eruere potuit, quàm ei Aurimontani Epistola suggessit. Quod verò augureris Eliseum Episcopi versibus suos *miscuisse*, vanus es extispex mi Anonyme, melius hinc credo quilibet mecum atq̃ue certius conijciet, te vel in iudicio de versibus pronuncians planè nihil pollere, vel quod opinari malim, Ioannis Dantis Siluam Bononiæ editam, aut alia eius scripta pœtica nunquam vidisse. Liber Fridewaldi, ex quo

quo idem vaticinium paucioribus versibus refers, mihi ignotus est, nec inquirere aut nosse meâ interest, qui non Fridwaldû contumeliosè tuo iudicio in Gedanenses scribentem, sed Aurimontanum, amicè iudicio complurium, eosdem monentem defendendum suscepi. Atque ut non ægrè tibi concesserim Frideualdum *virulentissimo animo in contumeliam Gedani (ut tu asseueras) & Magistratus librum suum edidisse*, ita in ijs quæ subiungis, iudicium desidero, quod satis alias in te perspicax malignior in Præsulem affectus hic non nihil turbauit. *Nec enim, inquis, Fridualdus versibus Episcopi suos addidisset, si Præsulis Poema tanto feruore & prolixitate stomachum & maledicentiam ipsius expluisset.* Enimvero mi Anonyme, eandem quoq; ob causam nullos addidit, sed ademit atque plurima omittendo, longius pòema in compendium coarctauit, quod nimirum minus occupato iudicio facillimè notasset, reliqua omnia Episcopi carmina non *maledicentiam explere*, (alias ab illo non fuissent omissa) sed paternæ admonitionis beneuolentiam continere, quod autem officio & proposito ipsius incommodabat, cui etiam acriora ex Episcopi carmine vnicè & diligenter selecta, nimis adhuc benigna visa sunt, ut ea alicubi non nihil immutando acueret, videlicet ubi apud Episcopum:

Est breue tempus adhuc si non peccata relinques,

Hoc quibus exundas tempore fracta rues.

apud Fridualdum legitur:

Est bre-

Defensur.

9

*Est breue tempus adhuc veteris imaꝑ summis
Iungentur, praeceptis & miseranda cades.*

Episcopus adiungit conditionem si non peccata relinques. Fridewaldus Ciuitatem sine vlla conditione vult perire, & pro eo, si non peccata relinques, ponit veteris, imaꝑ summis iungentur. Per simili modo vbi Episcopus:

*Externis tunc praesidiis frustrata manebis,
Diuitiisq; tuis despoliata gemes.*

Frideualdus:

*Externis tunc praesidiis frustrata iacebis
DIRVTA diuitiis & spoliata gemes.*

Episcopus urbem diuitijs tuis despoliandam ait: Fridewaldus, non tantum eam despoliari cupit, sed & dirui. Quare non est mi Anonyme, cur circa asserendam Fridwaldianam editionem multum desudes; non difficulter enim sententiae tuae, si tibi ita videtur, assensum nostrum sumus accommodaturi.


Denique quemadmodum valde probas, quod Aurimontanus Io. Dantiscum Episcopum profuse vt tu loqueris, ludibus obruerit, tametsi me iudice, non pauca taciturnitate celarit, ita tuam vicissim probō doctrinā Aurimontanum dilucidē instruente, dum ais: Quod verò subditorum titulum nos fastidire arbitraris, errare te scito. Nam esse Gedanum Ciuitatem Regiam, & nos Regis Augustissimi Capituli Reipublica Polona subditos nostra cum gloria profitemur. Non

luculentiorē circa hac explanationem visa est Aurimontani

B

montani

montani Epistola, desiderare mi Anonyme, quæ non tam auara & vocabulorum tenax fuit, vt nullo planè modo Ciuitati vestræ nomen LIBERÆ concedi voluerit, cum id, vt infra videbis, etiam vilissimis possit oppidis indulgeri, sed de perfecta libertate differebat, cum qua SVBDITORVM nomen consistere nequit, quæ nullum Dominum quia nullum *dominium*, sed tantum *patrocinium* admittit, & de hac aiebat Aurimontanus se in iuuentute sua communissimâ Ciuitatis famâ falsò edoctum fuisse, nimirum Gedanum ciuitatem liberam nequaquam POLONORVM DOMINIVM, SED TANTVM PATROCINIVM SVBIISSE. Tu verò mi Anonyme hæc tacita relinquendo, Teutonicarum ciuitatum collationem cum vestra auidè arripis, de qua asseueranter Aurimontanus dicebat nihil, tametsi eam ad supra memorata de Gedano faciliùs credenda olim non parum roboris addidisse sibi fateretur. Verùm & in hac Teutonica libertate Ciuitati vestræ, quacunque potes arte & conatu commodandâ à prudentia tua non discedis, dum rem totam pro ingenij tui dexteritate minimè in æquilibrio pendere contemplatus, nihil de ea temerè Gedano attribuis, sed solummodo *an non aptè cum ciuitatibus Teutonicis æquiparetur*, modestè alteri iudicandum submittis, quam tuam moderationem laudo, & iam ad alterum pergo.



IVSTI PATRICII RESPON- sio excussa.



Nnoxiam Elisei Aurimontani Episto-
lam tantâ modestiâ ad Gedanenses
scriptam, vt honorificentissimè sem-
per in ea Senatum populumq; com-
pellaret, præclara ciuium elogia sub-
inde interfereret, neminemque illo-
rum, vel minimum vlllo indecenti verbo vulneraret:
tam innoxiam, inquam, Epistolam, quidam nihilomi-
nus PATRICIVS, atque is IVSTVS, pro singu-
lari scilicet *Iustitiæ* suæ ac æquitatis ratione, & cultis-
simis moribus, videlicet *patriciis*, non tantum CAL-
VMNIAM (parum illi hoc visum est) sed AT-
TROCITATEM CALVMNIÆ, QUÆ OM-
NES (Elisei) EPISTOLÆ PARTES IN-
QVINET, præter alia è triuio conuicia, impuden-
tissimâ linguâ, & calamo omnis ciuilis politiæ ignaro,
in Responzione sua nominare non erubuit. Age vero
mi Patrici, vt mitius tecum agam, indaga, inuestiga
calumnias, apud te illas, non apud Eliseum inuenies;
lege & relege Epistolam, vix alia in tota scriptione ab
eo asserta deprehendes, nisi quod Gedanum paucissi-
mis retro seculis vicinarum ciuitatum maiestatem nouis

N.6.

opibus extinxerit. Quod subditorum nomen multis Legationibus, magnis precibus, & si historie credendum sit, etiam lachrymis à Polonia diu tergiversante Rege emerit, quorum alterum felicitatis est, vtrumque veritatis, vt infra ostendam, neutrum calumniæ, cætera ferè omnia quæ ac quantum ciuitatem attinent ab ipso Aurimontano tantū relata, in medio relinquuntur, quod ipse aduertisti, vbi eundem de ponendis elementis maris limitibus, nonnullorum tantum opinionem adducentem notasti, cum multorum verè potuisset; reliqua monent non accusant; nec quod fiant, sed ne fiant dicuntur, idque eâ verborum moderatione, quæ neminem lædat, nisi lædi aliquis se existimet; quod magni Senatoris exhibeat vaticinium, qui pro sua dignitate grauius loquitur; id autem Aurimontano non fuit adscribendum. Is enim vbi dicere audet Io Dantiscus;

Est breue tempus adhuc, si non peccata relinques,

Hoc quibus exundis tempore FRACTA RVES.
ob oculos tibi hoc ipsum tantum ponit, NE RVAS,
vbi ille audet:

VLTRICES AQVILÆ COMMERCIA
PVBLICA TOLLENT.

hic tamen admonet, NE TOLLANTVR, vbi ille

Externis tunc diuitijs frustrata manebis,

Diuitijsq; tuis despoliata GEMES.

Hic tantum cauere vult, ne spolieris, ne ué GEMAS.
Vide quàm consideratè & cautè Elisei Epistola conscripta.

scripta sit, *mi Patrici*, quam porrò audacter & temerariè tua sit exarata Responsio, iam patebit; quam dum excutio, aduertes simul, vel saltè alij notabunt, *mi Iuste*, te non tantum IVSTVM, sed etiam INNOCENTEM PATRICIVM esse.

IVSTVS PATRICIVS.

Incidit mihi Elisee Aurimontane, cùm Epistolam tuam in Dantiscanos legerem, vidisse me in insulsa ista famosorum libellorum farragine, quam Michael Fridwaldus Anno 1578. typis Craconiën. in Dantiscanos edidit; quod similiter Ioannis Dantisci quondam Episcopi Parmich. vaticinium uti vocat, calumnijs suis præfixit, & Mangonium hoc adhibere voluit, unde facile conijci posset te Fridwaldi istius vestigijs insistere, & affinitatis memoriam renouare constituisse. In hoc autem dubius sum, uter vestrum in exprimendo carmine isto fidem mereatur, ita enim verborum dispositione versum ordine ac numero illud ab hoc differt, ut vel Fridwaldus mancà eius introductione authori iniuriam fecisse, vel alius nomini eius tam apparenti augmento aliquid adyccere, ni præsumptuosa correctione detrabere voluisse videatur.

IO. ANTONIVS CARNIOLVS.

Constitui, ut videbis in progressu, *mi Patrici*, quæ in Responsione tua refutanda solum mihi proposui, positis seiunctim verbis tuis recensere, hîc verò totum Epistolæ tuæ Exordium prolixè apponendum putavi, ut prudens lector diuinare possit, quam de causâ Responsionem suam à Michaelis Fridwaldi relatione, aut libro ordiaris, cùm idem ipsum ab Anonymo Rescriptore, cuius Responsorialia longe

longè ante tuam comparuit, abundanter relatum sit, an tam ingeniosè Epistolas exordiendi artificium tuum non vulgare, aliunde nisi à recocta & repetita crambe auspicari non potueris, num verò Anonymum Rescriptorem corrigere, & pro ipsius *Fridualdi libro* (quæ visitata modestia tua est) *insulsam famosorum libellorum farraginem* substituere è re communi putaueris, ego non assequor. De Vaticinio & versibus satis supra dixi, nec bis eadem tuo more repetere necessum est. *Dubium autem tuum, vter in exprimendo carmine fidem mereatur?* tollo & respondeo, vtrumque fidem mereri, præsertim vbi idem vterque dicit, adeoque do tibi optionem, quodcunq; ex illis vis eligendi.

IVSTVS PATRICIVS.

Notandum plurimum distare virum multæ eruditionis, longæ experientiæ, plurimarum expeditionum magnæq; authoritatis; & vatem esse.

IO. ANTON. CARNIOLVS.

8. Non abnuo, mi Iuste: sed & hoc addo. Nullo modo etiam repugnare *Virum multæ eruditionis, longæ experientiæ, plurimarum expeditionum, magnæque authoritatis, & simul vatem esse; præsertim si antiquissimæ vaticiniæ extent, quæ ipsâ tantorum virorû authoritate fiunt augustiora, cùm, vt etiam Diuini Numinis afflatu quandoque non vaticinentur, adhuc tamen ex plurimarum rerum vsu, & ingenti experientiâ, plurima felicissimè sæpe conijcere soleant, quæ tanta* fuit

um sit, n tuum crambe Rescri- quæ v- ellorum is, ego pra di- am est. e fidem m me- do ti- juit in Io. Dantisco, vt sine *Instructiōe* maxima Regni negotia apud Imperatorem & Reges ipsius, arbitrio & iudicio fuerint commissa, quemadmodum literæ Sigismundi I. & Petri Tomici ViceCancellarij, Episcopi Cracouiē. disertè testantur.

IVSTVS PATRICIVS.

Presul Romano Catholica fuit Ecclesia, & antequam ad Aulam perueniret, controuersias cum Senatu habuit, vt mirum videri non debeat, si cum ex rancore, tum ex odio Religionis ciuibus suis ad Euangelij lucem conuersis dira quæuis, vt ab agnita veritate deterret, minari, ominari, & imprecari potius, quàm vaticinari voluerit.

IO. ANTONIVS CARNIOLVS.

Multa hîc inuoluis, mi Patrici, (non audeo nunc 92 te *Iustum* appellare) quæ prope à conuitijs absunt, antequam ad Aulam, inquis, perueniret, controuersias cum Senatu habuit, admodum adolescens & pænè puer ad Aulam venit, ipso contestante.

In teneris annis tumidam sum raptus ad aulam,

Scilicet ex doctis, quod modo plango scholis.

Ut ipsi vix per ingenium aut ætatem licuerit controuersias cum Senatu vestro agere, in tam tenera videlicet ætate, vt posteaquam non exiguò tempore in Aula moratus, eam ad interuallum linqueret, opus habuerit iterum scholas adire, verba ipsius sunt:

Hanc igitur linquens, Latiasq; profectus adoras

Me volui studijs consociare bonis.

Non

Non facile itaque mi iuste, cuiquam persuadebis Io. Dantiscum, *antequam ad aulam perueniret, Controuersias cum Senatu vestro habuisse.* Post peregrinationem Ierosolymitanam, & annos aliquot Iuris legumque cognitioni in Italia impensos, cum Gedani aliquantulum substitisset, prius quam ad Aulam reuocaretur, (vide vt te adiuuem) tum fortè Controuersias aliquas habere potuit, sed & tum Iuuenis virilem ætatem necdum attigerat, decimum enim nonum annum tantum egressus, Venetijs nauem in Palæstinam nauigaturus conscendit.

*Euganeos adij conclusos undiq; Ponto
Qui tria Regna sua sub ditione tenent:
Hic cum vidissem socios, nauemq; paratam,
Ad Solymas mihi mens quæ fuit ante diu,
Mox illam subiit vis Numinis impete quodam,
Quæ iussit comitem me simul esse via
Conscendi pariter. ——— Et post multa
Tum mihi bis deni fuerant non aplus anni.*

Vaticinium porro Senex in Episcopatu Varmienfi conscripsit, vt antiquissima Exemplaria docent. Persuadeo autem mihi Senatum Gedanensem nullam pro sua prudentia Io. Dantisco iniuriam fecisse, & vt fecisset, optimum virum post tantam annorum intercurrentium seriem, facile eam pro animi sui moderatione condonasse, nec priuatam aliquam iniuriolam publicè vltam voluisse, præsertim cum fortunam priorem & condi-

& conditionem ciuium tam longè excessisset, atque vt Varmiensis Episcopus inter S. R. Imperij Principes numeraretur, reliquumque vitæ tempus in Episcopatu, teste magno Cardinali Hosio, sanctissimè traduceret, vt eiusmodi de lana forte caprina controuersiam ante tot annorum decurias agitatam, non tantum infra iram duxisse, sed etiam vix amplius tunc meminisse existimandum sit. Igitur in cassum verba fundis, dum versus illos præfulem ex *rancore* scripsisse asseris. Ipsi te versus refellunt, qui profectò paternum affectum sonant, nisi tibi *rancor* videatur, quod dicat:

Sisq; potestati iuratâ mente fidelis,

Sub cuius placido tegmine tuta viges.

aduoca iudicium, num potuit quisquam monere beneuolentiùs:

Copia te rerum non efferat, haud maris vlla

Prosperitas: verti nam solet ira breui.

Pauperibus largire libens, fratriq; remittas

Noxam, quod partum fraude, repende, tenes.

Te nihil hinc sequitur, nisi quod præstabis egenis,

Hoc siquidem vitâ sine carente beat.

Sic eris è multis, quæ restant libera pænis,

Mitior & fuerit vindicis ira Dei.

Sed neque ideo, quia Præsul Romano Catholica Ecclesia, ex odio Religionis, Ciuiibus suis ad Euangelij lucem conuersis, dira imprecari voluisse, quenquam permouebis; cùm Ciues Gedanenses, ad ouile siue Ecclesia-

licum Regimen ipsius, minime spectarint, nec cura illorum ipsi eo nomine singularis vlla incubuit, licet inter alia etiam Religionis meminerit. Sed neque tam inurbanis & plebeijs moribus fuit Io. Dantiscus, vt ob Religionis diuersitatem aliquem odio persequeretur, quod vel tibi ostendere possunt, tot tamque amicè scripta Phaleucia, ad Generum Philippi Melanctonis Georgium Sabinum, Regiomontanæ Vniuersitatis primum Rectorem, quæ in operibus Pœticiis Sabini leguntur. Apage itaque cum puerilibus & infirmis tuis rationibus.

IVSTVS PATRICIVS.

Mirari me oportet, cur in Epistola inscriptione Dantiscanos reprehendas, quod arma bellumq; circumspiciant.

IO. ANTONIVS CARNIOLVS.

- II. Fecundum tibi est ingenium, mi Patrici, plura ex inscriptione eruere potes, quàm ea contineat. Ego fanè nullam in inscriptione reprehensionem lego, audiamus illam totam =

Elisei Aurimontani ad Dantiscanos bellum

& arma circumspicientes Epistola, in qua

Vatem eis popularem exhibet. Anno 1638.

Ostende quod nam sit verbum reprehendens, an circumspicere apud te reprehensionem dicit? Nihil ego hic video quod reprehendat, sed nec quod probet. Tibi verò quemadmodum corrupti palati hominibus euenire solet, omnia amara videntur, crèdo, si vel

si ve
tum
DA
SCA
lum
fella

Tot
ra dub
pectar
circun
es sap
pericu
agat,
lum
prospic
irrup
tela in
gno pe
specta
cum in
deuotè
cuj bon
tusq; in
cusana

N
inco
conij
quæ

si vel Iuppiter suum nectar in ostium pluat, fiet acetum. Vnde ubi Eliseus posuit in Inscriptione: AD DANTISCANOS, tu ponis, IN DANTI-
SCANOS, non frustra supra dixi: apud Eliseum calumnias ne queras; apud te inuenies, ne desit quod refellas, fingis.

IUSTVS PATRICIVS.

Totus ferè Christianus Orbis belli flamma ardet, loca viciniora dubio sub Imperio, nihil certius quam Martem cum tremore expectant. Reges transmarini in apparatu sunt bellico: Ciuitas hac circumcirca arma & militem spectat: occulta sunt Martis consilia, & saepe eo vertuntur, quo securitas, & in curia viam monstrat. In periculoso hoc rerum statu, quis ei vitio vertet, quod circumspectè agat, quod aliorum exemplo sapiat, ex domus vicina incendio consilium capiat, & quantum hominibus concessum est, securitati suae prospiciat, imprimis cum eo in loco sita sit, qui faciliori exterorum irruptioni maris contiguitate opportunus, tanto maiori cura & tutela indiget, quanto plus inde terris Prussiae, & inclyto Poloniae Regno periculi imminere potest. Eius auertendi animo dum circumspecta est, & facultatibus suis non parcat, ut Regi suo, quem vnicum in terris Dominum agnoscit, & perpetuo venerationis obsequio deuotè colit, fidem intemeratam seruare pergat. Ecquis liberi iudicij homo non existimabit sollicitudinem eius laudandam, potius conatusq; iuuandos, quam suspicionum inde, eiusq; praeter meritum incusanda extorquendam esse materiam!

IO. ANTONIVS CARNIOLVS.

Nimis te excusas, mi Iuste, & ita quidem more tuo 12.
inconsideratè, ut in apertam suspicionem Ciuitatem conijcias, & ipse eam tantum non accuses, dum nescio quæ pericula post redditam Prussiae summam pacem,

& tranquillitatem ita exaggeras, atque si Annibal ante portas, aut Romani terror Imperij, Gustauus reuersus ex inferis Ciuitatis montibus, incubaret: cum tamen nullus hostis, arma nulla talia in vicinia conspecta sint, qualia non ante tot iam annis sine metu aut periculo vestro, semper apparuerint, præter vnâ Danicâ classem vobis, quantum olfacere licuit, non admodum infensam. Parco non tuo, sed aliorum Ciuium honori, ne quæ tum apud vos gesta sunt, inuidiosâ commemoratione denarrâ. Hoc tantum vnicum, (vt impossibilem cautiorem fias) ad tam liberam interrogationem tuam insinuo. *Ecquis liberi iudicij homo non existimabit sollicitudinem eius laudandam, &c.* Non paucos liberi iudicij homines, in toto Regno, & alibi nequaquam laudandam censuisse nimiam vestram sollicitudinem, circa reparandas priuata authoritate, neque Rege, neque Regno, neque Statibus Prusiæ requisitis, ad Vistulam munitiones, quas publico decreto tollere tenebamini, quæ res multarum & maximarum suspicionum, non præter meritum, vberissimam materiam vltro suppeditauit, tantum abest, vt eam extorquere sit necesse.

IVSTVS PATRICIVS.

Ea Ciuitati imputare non erubescis, quæ ne in mentem ei venire potuerunt. Quæ enim sunt nouæ istæ opes, quibus vicinarum ciuitatum maiestatem extinxit, si eas indiget, quas in bellum, & pro Regni securitate tot iam annos impendit, ea potius extincta sunt, fructumque earum vicina senserunt ciuitates, ita vt Oedipus accersens-

Defensus.

21

accerfendus videatur, qui mentem tuam de nouis opibus, & extincta ciuitarum maiestate diuinatione assequatur.

IO. ANTONIVS CARNIOLVS.

Operegrinum in Patria Patricium, ô iam mihi plus quàm Iuste. Visné erubescat Aurimontanus, quod Gedanum paucissimis retrò seculis, vicinarum Ciuitatum maiestatem nouis opibus extinxisse retulerit? Erubuit credo, si tuam Responsionem legit, inuentum fuisse adeo Dauum in sua Patria Patricium, qui in re tam nota opus Oedipo habuerit. Ipsa profectò vel prima quatuor verba Vaticinationis, VRBS NOVA, DIVES OPVM: tuam ignorantiam erudire debuerunt, si ipsa Vrbs noua, diues opum, quæ extinxit, etiam opes eius nouæ, quibus extinxit. Quod porro illa extinxerit maiestatem aliarum, quoniam quidem tu tam innocens es Patricius, vt ex Authoribus tibi id ostendere necessum sit, lege Cromerum lib: 1. suæ Poloniae, & inuenies hæc verba: *Gedano proxima dignitate nunc est Thorunia, 24. miliaribus introrsum versus Posnaniam & Cracouiam ab eo distans, & in ripe vistulæ sita longit. gr. 41. lat. 32. duobusq; oppidis distincta, olim EMPOREO, & omnibus rebus FLORENTIOR, sed Gedani incrementa eam non paruis detrimentis accere, & INFREQUENTEM reddidere.*

Apud eundem Cromerum, eodem libro, similia inuenies de Elbinga, Ciuitatem eam esse Prussiae geminam, permunitam & copiosam, nisi quod quoq; luminibus

13.

eius officiat, ex altera parte Gedanum. Prætereo Brūsb^{ergam}, ad quam olim Lubecenses nauēs non infrequentes accessēre, quæ etiam occasio fuisse existimatur, quod Lubecensi iure hodie vtatur, nunc vix cymbæ aut nauiculæ, quas Schmackas vocatis, eo deferuntur. Quin & ipsum etiam Casimirianum, quod in delicijs alijs, apud te est (nec reprehendo) Priuilegium, opes & Ciuitatem Gedanensem nouas esse, satis clarè demonstrat, dum Consulem vestrum post omnes alios

14. nouissimo loco collocat, ita enim habet: Nos per Magnificos, & Spectabiles prudentesq; Viros, Ioannem de Baysen, Augustinum de Schewe, Gabrielem de Baysen, Nicolaum de Wolkan, Iudicem Dirschouiensem, Laurentium Kreitz Culmenssem, Rutchelum de Birken Thoru^{niensem}, Laurentium Pilgrim Elbingensem, Proconsules, Ioannem Brunsbergensem, Gregorium Schwach Crolow^{grodiensem}, Nicolaum Rodman de Knyphof, Wilhelmum Iordan militem, & Ioannem Meidburg Gedanensem, Consules ambasiatores, & nuncios suos, cum pleno mandato & legatione ad nos transmissos, NOVIS PRECIBVS & LEGATIONIBVS sollicitarent. Vides hîc Consulem Gedanensem vltimo loco poni, nec alijs aut melior locus ei datur ab ordinibus Prussîæ, in Reciproca sponcione. Neque mi iuste, hæc contumeliæ causâ, sed innocentîæ tuæ ostendendæ gratiâ dicta accipias, cûm ad gloriam vrbs spectet ciuiumq; acceptam à maioribus tenuitatem fortunæ, tantopere beneuolen-

neuoſentiâ factorum, & clementia Regum ampliauiſſe, vt à quibus non multo ante deſpicatui ducebamini, eos nunc felicitate & opibus antecedatis. Vnum hic moneo, ne te tamen ita iactes cum iſt's opibus, quod eas in bellum, & pro Regni ſecuritate tot iam annis impendas. Quid ſi diceres, & nonne melius? pro tua aut ciuitatis ſecuritate, certe modetiùs, neque enim credo eò quod nonnulli iuramenti & fidei immemores, ad hoſtem deſecerint; Vt ſi veſtra, ideo ſibi ſolui velit, aut inter beneficia numeret, quòd perfida non ſit facta aut periura, cùm ad id pro officij ſui debito adſtringeretur, ideo & hic ratè accuſas, non excuſas.

IVSTVS PATRICIVS.

Qua (ciuitas) eius ſemper modèſſie fuit, vt Regum potentiam 15.
vereri, Maieſtatem venerari, & gratiam obſequio æmulari anxie ſtuduerit, virumq; ſuarum conſcia, nihil ſibi in mari arrogauerit, quam quod circa nauigationis moderamen de iure ei competyt.

IO. ANTONIVS CARNIOLVS.

Sic porrò FAC, ET VIVES. Sed ſpecimen eius modeſtiæ infra proferetur, Num: 40.

IVSTVS PATRICIVS.

Hoc eius ſtudium, quod ſequiore interpretatione aliorum torques inſelicitati eius, & odio tuo imputandum eſt: cuius atrocitate, vt ſictum, Patriæ amorem ſupprimis, ita vndequaq; quidquid ad conſtandam Ciuitati inuidiam comparatum eſt, conquirere deſudas,

IO. ANTONIVS CARNIOLVS.

Quæ non ſunt ad guſtum tuum, ea tu neceſſariò debere ex odio profluere autumas. Quod & Magno Præſuli

Præsuli Ioanni Dantisco : imponere te non dispuduit ;
 omnia nimirum apud te sunt atrocita, hinc atrocitatem
 odij eruas, alibi atrocitatem calumnia. Sed vide, mi
 Iulite, ne quis tales atrocitates tibi per exemplum osten-
 dat, ac sic declaret Aurimontanum haftenus, quicquid
 ad conflandam Ciuitati inuiciam, comparatum est conqui-
 rere haud desudasse, quod longe aliter potuisset in-
 choari, & sine vlllo sudore forte praestari.

IVSTVS PATRICIVS.

16. Qua autem fronte, quauē tui vel Patria commendatione, Dan-
 tiscum esse liberam Ciuitatem neges, nisi forte, ut omnibus te boni
 patriota naturam penitus exuisse demonstres.

IO. ANTONIVS CARNIOLVS.

Qui de rebus consultant in Romano Senatu, dice-
 bat quendam Caesar, ab affectibus vacuos esse o-
 portet. non tantum non odio, sed nec amore duci,
 nec magis ad commendationem, quam ad veritatem
 loqui. Itaque mi Patrici, non satis prudenter qua-
 ris, qua commendatione Patria? sed qua veritate qua-
 rendum erat, quamuis hoc ipsum satis habeat com-
 mendationis, si quae laudanda suscipis, ita extuleris, ne
 à veritate simul discessisse videaris. Nec omnia quae
 placent tibi, tuæque attribuas ciuitati. Si eam magnam
 vis, veras laudes, quae nec desunt, deprædica. Libe-
 ram eam esse eo sensu, quem Epistola Aurimontani lo-
 quitur, & supra declaratum, pernego. Si verò Libe-
 ram dicere Ciuitatem placeat, ut tu in responsione tua
 iterato

iteratò insinuare videris, quæ aliqua Priuilegia, siue vt tuis vtar verbis: *Iura sua & libertates habeat*, tali modo Ciuitates omnes sunt liberæ: quæ enim tam vilis, aut exigua ciuitatula est, quæ absque vlllo degat Iure, aut quæ non aliqua libertate aut Priuilegio sit munita? saltem eo gaudebit, vt nundinarum semel ad minimum annuatim celebrandarum habeat potestatem, quam libertatem Ciuitati vestræ adimit nemo, cui etiam bis in anno eas celebrare licet.

IVSTVS PATRICIVS.

Memini ex vera viri fide dignissimi relatione, magnum in Regno Polonia, & perpetui nominis virum quondam dixisse, non liberam saltem Gedanum, sed liberrimam esse Ciuitatem, & cum quauis Imperij Ciuitate certare. Idem in Iuuentute tua, quo innocentia propiore, eo à malitia remotiore, & rectè credidisti, nunc malitiâ & oaso cum atate crescente, aliud sentis, & proprium nidum deturpare non erubescis.

IO. ANTONIVS CARNIOLVS.

Memini & ego, ex vera viri fide dignissimi relatione, magni nominis virum, non admodum pridem dixisse, Gedanum classẽ illam, quæ prope portum, Regias naues abduxit, suis impensis aluisse, eaque causa Secretarium, quem pridem in Daniam misit, tanto tempore ibidem moras nec̃tere. Sed mi Iuste, non omnia ego credo, quæ audio, aut quæ memini aliquem retulisse, præsertim ad mensam & pocula, sicut nec istis fidem habeo, melius de fidelis hucusque ciuitatis constantia persuasus. Idem tibi author sum vt facias,
D neque

neque omnia absque delectu credas, & *magnorum per-
petuūq; nominis virorum*, dicta sanè intelligere discas, &
hoc notes viros tales, cū reprehendere quemcūq;
etiam imperem volunt, non solere dicere: *Omni-
bus te boni Patriota naturam penitus exuisse demonstras, aut
propriū nidum tuum deturpare non erubescis*, (igno-
sces mihi, quod tuis elegantijs pro exēplo vtar, cū ad tuā
instructionem id fiat) sed id aulicè verbis politissimis
absoluunt, vnde iam tu si vis considera, num vir ille
magnus Ciuitatem laudare, num fortè nimiam illius
licentiam dextrè notare voluerit, & vtrum quemad-
modum ego (si parua licet componere magnis) te *Pa-
triciū* non solū *Iustum*, sed etiam *Innocentem* appel-
lo, ita ille Ciuitatem vestram, non tantum liberam, sed
etiam liberrimam nominauerit. Deinde etiam mi
Iuste, hīc nota diligenter tua hæc verba, erunt enim
mox vsui. *Idem in iuuentute tua quo innocentia propiore,
eò à malitia remotiore, & rectè credidisti.* Ergo né Au-
rimontanus rectè credidit? Dantiscum Ciuitatem li-
beram nequaquam Poloniae Regis dominium subiisse?
hoc enim eum credidisse Epistola eius clarè testatur.
Vide quam considerata sint verba tua, quàm verò sibi
consentientia Num: 22. patebit.

IVSTVS PATRICIVS.

Excussa Crucigerorum tyrannide, & recuperatā Terris Prussie
18. libertate, Dantiscum liberam fuisse ciuitatem, ac libertate Hansea-
tica gausam esse, nemo negat: Cum hac libertate ad Regnum sponta-
neo accessit motu, membrumq; eius factum est, saluūq; iuribus &
libertatibus Regem Dominum agnuit.

IO. ANTONIVS CARNIOLVS.

Nondum me possum à tua libertate liberare, iterum eam obtrudis mi Patrici, quam tamen hic tam miserabiliter probas, vt iam pigeat te refellere; verùm in auxilium tibi venire, & nonnihil succurrere etiam decreuerim. Itaq; ne quæso tam longè magnarum libertatum tuarum primordia repete, vt eam vel ante, vel ab excussa Crucigerorum tyrannide deducere velis; nam si in aliquem Peregrinum incideris, qui quærere audeat, vnde nam & ex qua mundi plaga tam repentina libertas, adeo subito ciuitati vestræ illuxerit, forte non statim occurret quod solidè respondeas, nisi te ad Physicorum emanationē aut Metaphysicorum entium resultationem volueris conferre: cùm eo tempore quo ad Cruciferos deuenit Gedanum, oppidum tantum erat Vladislao Lokietek Poloniae Regi subiectum, 19. quod per Præfectum (vulgo *Stároftam*) regebatur, qualia oppida vt bene nouisti, multis non solent gaudere Priuilegijs. A Cruciferis etiam postea magnis libertatibus & Priuilegijs ornatū fuisse, non facile quispiam nisi viderit, credet, eò quod Tyranni (aliter tu Cruciferos appellare, piaculum aut crimen læsæ Maiestatis censes) non dare Priuilegia sed auferre consueuerint; ad hæc constet Crucigeros etiam ab initio cùm à Tyrannide longius abessent, admodum prouidè & frugaliter libertates dispensauisse. Quare cum

- hac libertate, quam excussa Crucigerorum Tyrannide, vel ante ciuitas habuit, mi Patrici, dum eam Regno accessisse dicis, admodum parum dicis, & miserimè Gedano patrocinaris. Sed addis ciuitatem LIBERTATE HANSATICA tunc gauisam fuisse.
20. Mi iuste, & istam, oro te, libertatem nihil in rem tuam facientem omitte, qualiscunq̃ue ea tandem sit, quæ vnà cum origine sua ita perplexa est, vt ipsis qui de illa scripsere, vix satis sit nota. Si priuilegium Henrici III. Angliæ Regis Anno 1206. concessum, quod omnium antiquissimum perferre solent, attendere velimus, in eo potissimum consistit, quod Hansaticarum ciuitatum mercatoribus licitum sit, in Anglia haleces emere, vel si quod aliud tū temporis negotiationi Anglia supeditauit, centesimā tantum modo parte pro teloneo depensa, quod Priuilegium licet longi temporis vsu roboratum, atq̃ue ob subministratum belli tempore maximum auxiliū, cum Rex soluendo non esset, mercedis & remunerationis loco, Hansæ concessum, successores nihilominus Angliæ Reges aucto negotiantium nauium numero, tota Hanseaticā Machinā frustra obluctante refutauere. Si Priuilegium Magni VI. Sueciæ & Haquini Nouergici Regum legimus Anno 1319. datum, illud Hanseaticis ciuibus in Regnis ipsorum morandi tantum & negotiandi potestatem concedit. Fridericus Rex Daniæ 1549. ijs in toto suo Regno

gno
ter
mau
tion
rog
bris
dific
Han
re,
Men
Iden
quæ
tater
priu
capit
Ita e
Ex
E
NE
fe
rificia
luta,
cunct
qui ta
parten
cess. d

gno hyberno tempore pro pecunia hospitium, alijs externis denegandum indulget, quæ successores confirmauere. Magnus Dux Moscouiæ Anno 1620 Legatione Hanseaticarum Ciuitatum in Moscouiam missâ rogatus permisit illis designato Neogardiæ loco (fabris tamen solutis & emptis lignis) aliquot domos exædificare. Aduertis mi Patrici, Priuilegia & libertates Hanseaticas nemini Regum aut Principum præiudicare, nec vllam ciuitatem legitimo dominio eximere, sed Mercatorum potissimum negotiationem concernere. Idem statuta ipsorum, nulli fraudē inferentia docent, quæ sapientissimas ordinationes in negotiatoris utilitatem complectuntur, videlicet ne quis pannum emat priusquam sit confectus, aut pisces vendat antequam capiantur, vel frumentum, nisi postea quam creuerit. Ita enim loquitur:

*Ex Honorabilium Hanseaticarum Ciuitatum Statutis
& Ordinationibus, siue recessibus de Receptione Ciuitatum, quæ fœdus Hanseaticum ambiunt.*

Statutum 41.

21.

Nemo emet aut vendet haleces, antequam captura sit perfecta, nec frumentum ante messem, pannum aut alia artificialia manufactionis, priusquam fuerint confecta & absoluta, si quis contra hoc quid tenter, tunc emptor pender bona cuncta, venditor autem 10. marcas argenti pro multa soluet, qui talem contractum nullitatis annuntiabit, ille sextam partem ex bonis his confiscandis pro præmio accipiet. Recess. de Anno 1447. art. 9.

D. 3.

Et

Et alio statuto ordinatum est, ne quis Rhenano vino aquam infundat; & quidem persapienter, cum alias non sit ingentium virium, & suâ generositate non facile bibentium mentes de sanitate deturbet.

Statutum 69.

Nemo corrumpat vinum Rhenanum, sed ita in bonitate sua relinquatur, velut ex benedictione Dei natum est, quod si adulteratum inueniatur, iuxta crimen falsi iudicabitur. Recess. de Anno 1417. & alio statuto ut vicia duos lotones contineat, Recess. de Anno 1507. alio prohibet nesci Colbergenſe infundatur vasis, sed solummodo minutulis ligamentis inuoluatur ligno, sub pœna amissionis, Recess. de Anno 1413. Ex quibus omnibus facile conficis, quàm sit modica & à proposito remota nostro etiam hinc desumpta libertas. Scriptor quidem status Imperij Romano Germanici libertatem ad vnionem Hanſæ requirit, sed eam quæ suarum habeat clauēs portarum, & ciuilia exerceat iudicia satis esse declarat. Sed neque alias Magnus Magister Prussiæ receptus Hanſeaticarum vrbiū protector aut Moscouiæ Magnus Dux libertatum non admodum prodigi, passi fuissent ciuitates suas Hanſeatico foedere vniri, cùm & hodie Neogardia Moscouiæ, & præter alias Prussiæ Ciuitates etiam Bransberga & Culma, Hanſeaticis annumerentur: neque tamen ideo Dominorum renunt obsequiū, aut suam intolerantiū deprecant libertatem. Tace ergo ista mi Patrici, nec tam longè tuæ libertatis duc exordia, neque eâ, quâ tu & Ciues tui, Poloniæ

Regno

Regno
stis,
si qu
lexan
tio h
impe
uecta
rum
go p
siue
proc

Cui
eius fa
Regem

Vo
haud
CVM
Geda
& Ha
SPO
33. ex
meliū
tum C
tum.
TAT

Regno accessistis, sed quam à Polonia Regno accepistis, libertate gloriæ, à D. Casimiro Rege inchoa, & si quid immunitatum ab eius tribus filijs, Alberto, Alexandro, Sigismundo, altero item Sigismundo & Tercio habes, commemora; sub quorum leni & remisso imperio, ad eam Ciuitas tua felicitatem, & opes subuecta est, vt non tantum cum quauis Urbium maximarum Germaniæ nunc certet, sed earum plurimas longo post se intervallo relinquat, eoque magnitudinis, siue indulgentiâ eorundem, siue etiam conuiuentia processerit, vt iam esse possit ingrata.

IVSTVS PATRICIVS.

Cum hac libertate ad Regnum spontaneo accessit motu, membrum eius factum est, salvisq. IVRIBVS ET LIBERTATIBVS, Regem Dominum agnouit.

22

IO. ANTONIVS CARNIOLVS.

Verba ista tua ponderosa sunt, & commentatione haud indigna, ideo singula enucleando, percurram. CVM HAC LIBERTATE, videlicet ea, quam Gedanum ante Cruciferorum dominatum habebat, & *Hanseatica*, hoc est, Haleces, & cætera emendi SPONTANEO MOTV, eo qui Num: 32. & 33. explicabitur. AD REGNUM ACCESSIT, melius diceres *redijt*, cum vt supra, Num: 19. insinuatum Gedanum iam ante Poloniæ Regno fuisset subiectum. SALVISQ. IVRIBVS ET LIBERTATIBVS, scilicet illis ingentibus, quilibet solent gaudere.

gaudere oppida, quæ per Præfectum siue *Stároslam* gubernantur, aut etiam quæ postmodum ab indulgentissimis, & liberalissimis Crucigeris obtinuit, REGEM DOMINVM AGNOVIT, ita tamen, vt si Aurimontanus quispiam iuuenis Gedanum Ciuitatem liberam nequaquam Polonorum Dominium subijsse credat, rectè eum credidisse Patricius asserat. Non arguo, mi Patrici, à te hîc prolata verba, saltem ea cura alijs tuis dictis supra, Num: 17. propositis confero, & quam sibi consent, demonstro.

IUSTVS PATRICIVS.

Et hoc ipso ex natura relatorum subditorum nomen acceptauit, nec id tam multis Legationibus, magnis precibus, & lachrymis emere opus habuit.

IO. ANTON. CARNIOLVS.

23. Hinc nimirum ingens odiorum moles toto pondere in Aurimontanum incubuit, *subditorum nomen multis legationibus, magnis precibus, & si historiæ credendum sit, etiam lachrymis* populares suos *emisse* scribentem. Non excusarem hîc, mi Iuste, Aurimontanum, nisi nossem non omnes tam rudes, & tam parum in historia, vt tu versatus esse, sed quoniam res hæc in publico orbis theatro, & luce Regni gesta, magnorumque virorum tum viuentium, & præsentium calamis ab obliuione vindicata, posteritatiq; tradita manifestior est, quàm vt vocari in dubium, aut tegi possit, non grauatè ferre debebas, eam fuisse ab Aurimontano relatam.

Ostendo

Ostendo autem tibi primo: M V L T I S L E G A -
T I O N I B V S O P V S F V I S S E .

Legatio Prutenica,

Parſouiam.

Ex Cromeri lib. XXII. de rebus gestis Polonorum.

Mense Iunio Rex apud Parſouiam Polonorum simul & Lithuanorum Conuentum habuit, deinde audita Le-
gationes Vladislai & Boleslai Masouiorū Ducum, Nobilita-
tis & Ciuitatum Prussicarum, & Magistri totiusq; ordinis Cru-
cigerorum, Masouij Tykocinum & Gonianzum repetebant,
Prussi aduersus iniurias & impotentem dominatum Crucife-
rorum opem Regis implorabant: Cruciferi contra, ne Rex
aduersus fœdera Prussis adesset, postulabant. Responsum
est Prussis, & Cruciferis, Regem veluti Christianū Principem,
dissidia nolle agere, si eo arbitro uti velint, non recusaturum.

Legatio Militarum & Ciuitatum Prussicarum,

Sandomiriam.

Ex Dlugos. lib. 12.

Venationibus multorum dierum Casimirus Rex exactis,
dum magnam multitudinem ferarum cepisset, & Polo-
niam pro solemnitate nuptiarum terminasset, in Vilnam pro
diebus Natiuitatis venit, quos cum illic peregisset, in Re-
gnum Poloniae rediit, & Sandomiriam conuenientibus ad
eum, certis Prælati & Baronibus pro capiendis consilijs, su-
per imminentibus negotijs, Sabbatho ante diem S. Fabiani &
Sebastiani Martyrum aduenit. Tres dies in expediendis re-
bus publicis absumpti sunt, sub quibus deliberationes habita-
Nuncijs militarum & Ciuium Prussæ, videlicet Gabriel de
Bayſen, & Magistro Ciuium de Gedano sue Gdantisca Ciui-
tate, deditionem quinquaginta sex Ciuitatum, quas Nobilio-
res habet Prussia, subiectarum & obediunt: plenam & fe-

E

renci-

rentibus. Responsum est, vt Cracouiam post festum Purificationis Mariæ Nuncios cum plena potestate mitterent, efficax se illis responsum ad petita daturum.

Legatio Prussica Cracouiam

Ex eodem Authore.

26. **F**eria quarta ante Cathedram S. Petri, quæ fuit vigesima Februarij, Legati Militarium & Ciuitatum Prussiæ in numero frequenti Cracouiam aduenerunt, quibus introductis, Princeps Legationis Ioannes de Baysen miles, coram Regia Maiestate, & Consiliarijs Legationem exponit.

Ecce tibi, mi Patricj, iam ternas Legationes Militarium, & Ciuitatum Prussicarum, in diuersis Regni locis, & distinctis Ciuitatibus quærentium Regem, & subditorum nomen efflagitantium, vt alias plurimas omittam postea obitas; ternas, inquam, Legationes, antequam quidquam adhuc illis constitisset, admittenda ne forent eorum postulata, an negligenda. Fateare ergo, velis nolis, necesse est Aurimontanum, ne latum vnguem à veritate digressum, cum emptum multis legationibus subditorum nomen à Prutenis asseruit. Sed & **PRECIBVS OPVS FVISSE**, & si Historiæ credendum etiam **LACRYMIS** demonstro:

27. Audi verba Matthiæ de Miechouia, lib. 4. cap. 40. *Sub eo tempore, inquit, Legati Prutenorum ad Regem Casimirum aduenerunt, & procidentes rogauerunt, vt eos in SVBDITOS & protectionem, contra Magistrum Ludouicum, & Cruciferos Prussiæ susciperet.*

Similia habet verba Cromerus, libro vigesimo secundo,

cundo, de rebus Gestis Polonorum, quæ infra ponam
 Num. 33. Sed omnium disertissimè fons Polonæ Hi-
 storix Dlugossus, qui libro XIII. Historiarum sua-
 rum exponendo orationem, quam Ioannes de Baysen,
 Princeps Legationis Prutenicæ, coram Rege habuit,
 hæc vltima eius verba refert:

*Moueant te P R E C E S nostra, moueant L A C H R Y M Æ, & non nostra solum, sed & horum qui reditum no-
 strum inter metum spemq; suspensi obseruant, gaudium
 aut merorem de nostra reuersione habituri. & subiungit:
 Atque sic L A C R Y M I S O B O R T I S, in consilij ve-
 stibulo procubuerunt deditionem realem, gestus etiam offi-
 cio testati. Vide iam, mi luste, & diiudica, an iniuriam
 Gedanensibus fecerit Aurimontanus, quod illos SVB-
 D I T O R V M N O M E N M V L T I S L E G A-
 T I O N I B V S, M A G N I S P R E C I B V S, & si
 Historix credendum sit, etiam L A C H R Y M I S à
 Polonia Rege emisit, retulerit. Non sunt verba, vt
 tu loqueris, *Annalium Compilatoris* alicuius, quem o-
 dium vel metus aut adulatio, à veri via seducit, (aptius
 hoc I A C V L A T O R I alicui conuenit, ad metam,
 quam stipendia ostendunt collineanti) sed Magni Hi-
 storici, qui eo tempore vixit, Diuo Casimiro Regi ple-
 rumque adfuit, Legationes, cum ad Magistrum, & or-
 dinem Mariæburgum, tum ad Ciuitatem vestram, si-
 mul cum alijs Commissarijs Regijs, ex honore & utili-
 tate Regni obiuit, circa solutionem Stipendiariorum*

Mariæburgensium, vnà vobiscum Gedani anxie laborauit, Mediatorem pacis Rudolphum, Nuncium Apostolicum in Vratislauia, à Rege missus, in Prussiam deduxit, Tractatibus Nessouij, & Thorunij præsens pacem ipse cum alijs confecit, adeoque quæ coram audiuit, vidit, & gessit, conscripsit. Et tametsi *Præsul Romano Catholicæ fuit Ecclesiæ*, quam ob causam Ioannis Dantisci, Episcopi Varmienensis, vaticinio non multum fidei habendum opinaris; tamen quia nullam *Controuersiam cum Senatu vestro habuit*, ex rancore credo non scripsit, sed neque ex odio Religionis. ob Prutenos, ad Euangelij lucem conuersos, cum nouum illud lumen eo tempore nondum fuisset excitatum, neque lux illa lucere tam manè terris Prussiæ & orbi voluerit. Itaque persuadeo mihi, te fidem quam iniuste Ioanni Dantisco ademiisti, nisi extremè iniustus audire mihi lute velis, saltem huic non abrogaturum. Si tamen & hunc tantæ Historicum authoritatis nihilominus *Compilerem* aliquem *Annalium* appellare volueris, & nihil credere, nisi (vt verba tua sonant) *sigillo Regio ac Iureiurando roboratum*. Super addo tibi verba Priuilegia Casimiriani: Significamus vniuersis, tam præsentibus quam futuris, qualiter etli Prælatorum, Spiritualium, & Sæcularium, Magnificorum, Strenuorum, Nobilium, Militarium & prudentium, videlicet Terrigenarum, Ciuium, & vniuersæ Communitatis Terrarum Prussiæ, Culmensis, Königsbergensis, Elbingensis, & Pomeraniæ. CREBRIS PRECIBVS & LEGATIONIBVS, superioribus temporibus fuisset rogati &c.

IVSTVS PATRICIVS.

Quin nec loci, nec temporis intervallum id permisit, cum intra decimam octauam Februarij, & sextam Martij diem, Anno 1454. integrum vnionis negotium Cracouia captum finitumq; sit.

IO. ANTONIVS CARNIOLVS.

Expeditus sanè vir es, mi Iuste, admodum celeriter, 29.
vt video, negotia absoluis: *Integrum vnionis negocium* tu intra sedecim dies finiuiſti, quod Rex cū toto Regno Poloniae vix intra tredecim annos conficere potuerunt. Si principium vnionis diceres, tolerari saltem tua ignorantia posset, tamen & sic verū non diceres. Sed aduerte innocentiam tuam: *Vnionis negocium*, mi Patrici, quod *intra 18. Februarij, & 6. Martij, Anni 1454. Cracouia captum finitumq; dicis*; nec Cracouiae captum, nec Cracouiae finitum est, sed est inchoatum Sandomiriae, vbi Dux Casimiro Regi, Legati Prussiae, primo *subiectionem Civitatum, & obedientiam plenam*, vt ait Dlugossus, *obtulērunt: deliberationesq; ea super re habitae sunt*, vt liquet ex verbis Dlugossi supracitatis num. 25. etsi negocium tam arduum non statim sit absolutum, sed responsum, vt iterum *Nuncios Cracouiam mitterent, cum plena potestate*. Neque tamen ideo *integrum vnionis negocium Cracouiae*, vt tu asseueras, est finitum sexta Martij, Anni 1454. Enimvero si eo anno integrum negocium finitum fuit, quid ergo reliquum remansit, cuius componendi gratia post annos duos, Anno videlicet 1456. *Gedanenses Vilnam ad Regem miserunt, orantes,*

ut is quàm primum ad componendas res Prussicas adueniret. si integrum tunc negotium finitum fuit, cur eius conficiendi causa Archidux Albertus ex Austria, Ioannes Iskra ex Hungaria, Dux Ludouicus ex Bauaria per Legatum, Archiepiscopus Cretenfis ex Italia, Anno 1462. Episcopus & ciues Lubecenses, adiunctis sibi de Rostocensium, Vismariensium, & Luneburgensium Senatu singulis, Anno 1464. in Poloniam Prussiamque conuolarent, donec tandem Rudolphus Episcopus Lauantinus, Nuncius Apostolicus, à Papa Paulo secundo in Prussiam missus, tanto tamque diuturno negotio, Anno 1466. finem imponeret.

30. Quid ergo mi Patrici, apud te est *integrum unionis negotium*, an Regium consensum aut membranam seu literas, quibus vos in Subditos recipit, *integrum unionis negotium* appellas, idque *finitum*? Non Diploma Regium aut literæ finis fuere, sed duntaxat initium magni & diuturni negocii. Neque enim mi Iuste, calamus Prussiam Regno vniuit, sed gladius, & hæ ipsæ literæ Cracouiæ quidem datæ & scriptæ, adhuc multo Polonorum sanguine per 13. annos in Prussia effuso subscribendæ fuerunt. Non igitur, *integrum unionis negotium*, Cracouiæ sexta Martij, Anni 1454. sed duodecim annis post decima nona nimirum Octobris, Anno 1466. Thorunij in Gelda finitum est. Si tamen hoc negotium Sandomiriæ, vt ostendi, inchoatum: Cracouiæ aggredi, & pro celeri tuo ingenio, ibidem etiam

tiam
potui
S. Pe
rum

Ad
Ecce qu
publica
nitric
Proto
fatoru
rium
rarum
merat
dediti
nem,
fentiu
Scien
mus. T
mus, n
partic
& pra
gni Po
Regui
trone
& Co
Prom
nostri
sacras
singul
in iuri

tiam finire tam cito voluisti, duos adhuc dies delibare potuisses, cum non 18. sed die Mercurij ante Cathedrā S. Petri, quæ fuit tunc 20. Februarij, Legati Prutenorum Cracouiam aduenerint.

IUSTVS PATRICIVS.

Ad ea prouocas quæ aternis literarum signata sunt monumentis. Ecce quæ D. Casimirus Polonia Rex in diplomate Regio, Anno 1454. publicauit his verbis: Ad honorem Omnipotentis, eiusque Genitricis Virginis Mariæ, S. Adalberti Martyris, S. Stanislai Protomartyris, Poloniae ac totius Hierarchiæ cælestis, Præfatorum Prælatorum, Spiritualium & Secularium, Militarum & Ciuium Terrigenarum, & omnium incolarum Terrarum Prussiae, Culmensis, Kinsbergensis, Elbingensis & Pomeraniae, in terra marique sitatum, beneuolam & spontaneam deditionem, regimen, tutelam, gubernationem, subiectionem, obedientiam accepimus, assumpsimus: tenoreque præsentium, non per errorem aut improvidē, sed de certa nostra Scientia & voluntate, in Dei nomine assumimus & acceptamus. Terrarumque & dominia prædicta, Regno Poloniae reintegramus, reunimus, iuniteramus, & incorporamus, & ad vsum participationem omnium honorum, iurium, & libertatum, & prærogatiuarum, quibus Prælati, Barones & Nobiles Regni Poloniae hætenus potiti sunt, & signanter ad futurorum Regum Poloniae, quotiescunque super electione & coronatione illorum fieri deliberationem contingat, Electionem & Coronationem admittimus, annectimus, & includimus. Promittentes insuper pro Nobis hæredibus, & Successoribus nostris, quod præfatos Prælatos, Spirituales & Seculares, ad sacras ædes & Ecclesias, Barones, Nobiles & Ciues, atque singulos incolas terrarum nostrarum prædictarum Prussiae, in iuribus, libertatibus, literis, Priuilegijs, immunitatibus eorum,

rum, quæ à Principibus Spiritualibus & sæcularibus, Regibus & Dominis terrarum prædictatarum obtinent conseruabimus, fouebimus, defendemus, nec vnquam ea violabimus, aut præuaricabimur, aut violari vel præuaricari quomodo-libet permittemus.

Hocine est, Libertatem vendere, seruitutem emere? cum non solum quas habuit Ciuitas retinuerit, sed ad Regni quoq; libertates & honores admissa fuerit! Regia hæc verba sunt, Sigillo Regio, ac iure iurando roborata, plustque habent fidei, quam tua vel Annalium tuorum, quorum compilatores sæpissimè odium vel metus, æmulatio aut adulatio à veri via seducit.

IO. ANTONIVS CARNIOLVS.

31. Mirandum in modum, mi Iuste, in Priuilegio Casimiriano oblectaris, ideoque tam lubenti & frequenti eius ad citationem mentem tuam pascis, vti & hinc occasione non expectatâ, sed arreptâ portionem eius non paruam Aurimontano obgeris, expendendamq; & trutinandâ lectori obtrudis. Non agrè itaq; feres, si eandem paulisper contemplando, tuæ voluntati obsecundem: & imprimis in oculos incurrit enumeratio Terrarum Prusis, vbi præter Nobilium, Militarium, Ciuium & Incolarum, generalem enarrationem, etiam diuersa fit mentio Ciuitatum, *Culmensis, Kinsbergensis, Elbingensis*, nulla *Gedanensis*. quæ res in memoriam mihi reuocat initium eiusdem Priuilegij, in quo idem lego. ita enim illud:

In nomi.

In nomine Domini, Amen. Ad perpetuam rei memoriam. Nos CASIMIRVS, Dei Gratia REX Polonia, nec non Cracouia, Sandomiria, Siradia, Lancicia, Cuiaua, Magnus Dux Lithuania, Russia, Prussiaeque, Culmensis, Konigsbergensis, Elbingensis, & Pomerania, Terrarum Dominus, & haeres, &c. afferunt mihi hæc dubitationem, cur nam D. Casimirus Poloniae Rex, cum ob nouam accelsionem oblatarum Terrarum & Ciuitatum Prussiae novos titulos sibi defumeret, in ijs Culmensium, Konigsbergensium & Elbingensium, expressè relatis vsurpatisque nominibus, Gedanense tamen nomen transiret atque negligeret, & vnà cum Mæua Putzko, Dersauia sub Pomeraniae vocabulo implicaret atque conuolueret! an quod eam Ciuitatem ne nomine quidem dignam æltimarit? non ausim hoc asserere, hoc tamen auderem, titulis suis indignam censuisse, quos novos tunc adoptabat, non quod non esset forte par alijs, sed quod nihil noui per eam se acquisiuisse, verum amissa tantummodo recuperauisse animaduerneret; vnde vltius consequitur Gedanensium Ciuitatem, maiori & potiori iure, Regi & Regno Poloniae subditam & subiectam esse, quam Elbinga, Christburgum, Neuteichum, Tolkmitum, & similes Prussiae ciuitates, quæ nunquam ad Poloniae Regnum, ab ipsis Cruciferis conditæ, ante spectarunt, Gedanum autem iniuriâ bellica Regno subductum redierit, tantum non accesserit, vt supra, Num: 19. insinuauim.

32. Alterum quod hic incurrit, est BENEVOLA ET SPONTANEA DEDITIO, quod (vt supra te iactabas) *spontaneo motu* (& soletis alias sæpè) Regno vos accessisse, occasionem supradictorum Priuilegij verborum gloriimini. Sed mi Patrici, grauissimè hallucinaris, si verba Priuilegij SPONTANEAM ET BENEVOLAM deditioem ita capis, vt eam ex sola beneuolentia & non ex indigentia prouenisse arbitreris. Quæro enim ex te, si vt ais, Excussa Crucigero- rum Tyrannide Dantiscani liberi fuerunt, & *spontaneo solùm motu Regno accesserunt*, cur pro animorum suorum generositate, non ita liberi potius manserunt? quid, aut quis illos, vt sese Domino sponte subijcerent impulit, quis coegit? Quamobrem non satis aliequeris mi luste, Priuilegij sensum, qui si promiscuè comprehendere nationem velis, sic accipiendus est, nimirum Prutenos *spontaneo motu Regno accessisse*: hoc est, ultro & sponte venisse, quia Poloni pro illis nunquam miserunt; aut vt clarius & per exempla eam, *spontaneo motu accesserunt*, videlicet quali motu solent; vbi calum tempestatibus inhorruit naufragium passuri, preciosissima quæque sponte & ultro in mare proijcere, libentius tamen ea retenturi, nisi extremâ necessitate vrgerentur; aut qua ratione Anno 1577. Ciues vestri, cum à Sborouio cæderentur *beneuolo* & *spontaneo motu* sese ad Nisseuiam in lacum præcipitarunt. Itaque imposte- rum non errabis, mi Patrici, si iam doctior factus per

beneuo-

beneu-
mam
lumn
neam
ria su
Pa
eti, p
bus C
olim
rum
sui ess
dere;
despi
EX
Prute
vt et
turos
gossi
stori
voca
si no
nos
(vel
renti
cent
toni
vt tre

beneuolam & spontaneam deditionem, intellexeris extremam necessitatem. Et ne hoc tibi paradoxum aut calumnia videatur, audi Cromerum, non aliter spontaneam istam deditionem vestram explicantem, in Historia sua lib: 22.

Post hac, inquit, Prussorum Legati in Senatu introducti, prolixè exposuerunt, qua improbitate, & quibus artibus Cruciferi Pomeraniam & Michalouiensem tractum olim Polonis interuertissent, &c. & post multa: Ad illorum igitur qui & Cruciferorum Patroni, & iusti Domini sui essent, opè se supplices confugere, eisq; se suaq; omnia dedere, orare ne se in EXTREMA sua NECESSITATE despicerent, neue opprimi, & ad EXTREMVM EXSCINDI paterentur. Et profectò in tantam Pruteni inciderant necessitatem quærendi Dominum, vt etiam Rege recusaturo fugitiuos Principes se quasi-turos non diffiterentur, quemadmodum verba Dlugossi infra, Num: 38. ponenda declarant. Sed si Historicis etiam credere nolis, rationem in consilium voca, & quidnam Crucigeros acturos fuisse considera, si non potentibus armis Regni Poloniae retenti, Prutenos in suam potestatem iterum reduxissent, quibus (veluti in Oratione vestra fatemini) non fuit satis sententiæ Imperatoris, Ligam vestram rescindentis, & sexcentorum millium florenorum summâ Magistro Teutonici Ordinis numerandâ vos plectentis, sed insuper, vt trecenti ex vobis capite plecterentur expetiuerè. At

sciscitaberis forsitan ex me, & vt es in argumentando promptus, & nimium quandoque facundus, inferre voles, ergone verba illa: **BENEVOLAM ET SPONTANEAM DEDITIONEM ACCCEPTIMVS**: frustra D. Casimirus Rex Priuilegio Terrarum Prussiae inseruit, si Pruteni extremâ *necessitate de- poscente*, non *spontaneo motu* Dominum quæsiuere? Do responsum. Optimè ea verba à Rege vsurpata, sed nō omnia, quæ in Priuilegio Terrarum Prussiae dicuntur, ad omnes seiunctim Prutenos spectare, verum aliqua vniuersos concernere, alia singulos, alia nonnullos tantum, alia Nobilitatem, ad Ciues alia attinere. Neq; enim eò, quod D. Rex Casimirus ibidem Prutenos ad vsum & participationem omnium honorum, iurium & libertatum ac prærogatiuarum, quibus Prælati, Barones ac Nobiles, Regni Poloniae hactenus potiti sunt, admittit: idcirco statim Consuli Gedanensi sella aut locus in Senatu Regni conceditur, aut Ciues vestri Palatinatus & Castellanus ambire audent. Vnde respondeo, verba illa *beneuolæ & spontaneæ deditionis* ad eos Prutenos, qui excussâ Crucigerorum Tyrannide, vt tecum loquar, Regno accesserunt, nequaquam spectare, sed ad illos duntaxat, qui ante ea tempora, nec Polonorum imperio, nec Cruciferorum dominatui vnquam subiecti, nec vlla necessitate pressi, sed solâ beneuolentiâ incitati, alijs ab Ordine deficientibus motu merè spontaneo se se adiunxere, quali modo initio aliquæ

aliqua
tus V
raliùs
uolæ
Cruci
tuo ne
pra in
ctum
esse iu
Priuil
tatione
terris
gitimo
VL A
infidel
dinem
iuris &
rant.
siæ illa
tanqu
trasse.
istius a
peruac
quâdo
rarum
immun
tur, n

aliquæ Ciuitates Ermlandia, & totus deinde principatus Varmienſis Polonia Regno acceſſit. Aſt vt liberaliùs tecum agamus, & largiamur, etiam verba beneuolæ ſpontaneæque deditiõis ad Prutenos, antehac Crucigeris ſubiectos extendi debere, adhuc Gedano tuo nequaquam conuenire affirmo, ſiquidem id vt ſupra inſinuaui, vi & iniuriâ bellorum, Regno abſtractum etiam cùm ſubiſſet Crucigeris, Polonici tamen eſſe iuris nunquam deſierit, clarè id teſtante ipſomet Priuilegio Caſimiriano his verbis: *Nos ſuperiora cogitatione, & animo reuoluendo tempora, quibus nonnulla ex terris prædictis, per Reges & Principes Polonia, iure legitimo & hæreditario poſſeſſe, tandem prædeceſſori noſtro VLADISLAO Regi Polonia, bello cùm finitimis & infidelibus occupato, vi & armis, per Magiſtrum & Ordinem abſtractæ, (in ijs etiam Gedanum fuit) nunquam iuris & proprietat's Regni noſtri Polonia eſſe deſierant.* Animaduertis mi Patrici, Gedanum inter Pruſſiæ illas ſpontaneè & beneuolè accedentes Ciuitates, tanquàm anſer inter olores, aut Vlyſſes inter oues intraſſe. Ne itaque beneuolæ & ſpontaneæ deditiõis, iſtius ad te non ſpectantis, voluptas animum tuum ſuperuacuâ vanitate demulceat. Sed & hoc memineris, quâdo Priuilegiũ Caſimirianũ tuæ aliàs delitiæ *de Terrarum Pruſſiæ, in Iuribus, libertatibus, literis, Priuilegijs, immunitatibus conſeruandis, fouendis, defendendis* loquitur, non præcipuè Ciuitates, quæ exigua habuerunt,

& ultimo loco recensentur, sed statum Ecclesiasticum templa & Ecclesias, tum Statum Nobilitatis, quæ omnia magnis prærogatiuis ornari consueuerunt, potissimum intelligi, ut ipse verborum ordo ex Priuilegio à te adductorum facile prodit, tametsi Ciuitatum quoque per hoc immunitates non excludantur, quamuis illas tam parui tunc momenti fuisse, ex supradictis constet, ut minimè ex dignitate & munificentia Regia D. Casimirus putarit ciuitates suas maioribus non honestauisse. Hæc nunc ad Priuilegium Casimiriani nobis in oculos ingestam partem cape. Si non ad palatum tuum, tuæ id importunitati adscribe, cui inferuire volui; id totum omisurus, si tu Priuilegium illius partem tam prolixè, tantâque insolentia lectori obtrudere omisisses, imò si totam responsionem tuam omisisses, nihil amisisses.

IUSTVS PATRICIVS.

36. *Sed quam Patria tua, eandem & Regi præstas fidem, dum in dubio esse asserere non vereris, an iustas ob causas Terra Prussia à Tyrannorum obedientia, ad Regnum Polonia diuerterint. quid enim aliud hoc est, quam tyrannidem approbare Regio diplomati, quod multas & graues eius rei causas recenset contradicere, & quodammodo indigitare iniuste Borussia Regno unitam, Regem illegitimum eius esse Dominum, & iure diuelli eam à corpore hoc posse. Quod si impune feceris, &c.*

IO. ANTONIVS CARNIOLVS.

Obiter planè iustanè Prutenorum causa fuerint à Teutonici Ordinis obedientia diuertentium quosdam dubitare

bitare Aurimontanus paucissimis verbis, & in parenthesi tantum attigerat, quæ tu multis inde deductis consecutionibus adeo exagitare adniteris, ut etiam Aurimontanum eo nomine puniendum arbitreris. Facile itaque me veniam ab aliorum Prutenorum humanitate imperaturum confido, quod eo quo trahis sequar. Et quandoquidem ea verborum modestiâ Aurimontanus tibi nimirum dicere visus est, audi plura. Non tantum quidam causæ æquitatem Prutenorum à Crucigerorum regimine deficientium in dubio posuerunt, sed dubitavit tota ferme Germania, dico plus dubitavit totum Romanum Imperium, dico amplius dubitavit totus Orbis Christianus, & quidni dicerem cum suprema tam secularis, quam Ecclesiastica Potestas, causam vestram damnaret. Nam & Romanorum Imperator Fridericus arbiter electus utriusque partis rationibus ponderatis iniustam vestram causam, & Ligam pronunciauerat, vosque in sexcentis millibus florenorum condemnauerat. Et Romanus Pontifex quem tunc omnis Prussia, pro Capite Ecclesiæ agnoscebat, noua Euangelicæ fidei face nondum accensâ Prutenos diris deuouerat: addo, dubitavit quoque vna cum Regno Poloniæ D. Rex Casimirus, qui antequam vos regimen illius flagitantes in subditos acciperet, vehementer fluctuabat, cum primam Prutenorum Legationem refelleret, alteram post trium dierum deliberationem non absolueret, sed differet, in tertia adeo ancipiti cogitatione

gitatione & curâ distraharetur, vt sese post 15. & amplius dierum longissimas, & continuas consultationes vix determinare posset, variantibus, vt refert Dlugossus, Consiliariorum sententijs, & Sbigneo Cardinale Episcopo Cracouiensi, qui tum summæ authoritatis post Regem erat summo opere disuadente, vt & præter morem etiam Iuniores in Consilium adhiberentur. Dubitauit itaque cum Rege Regnum Poloniæ, an iustæ causæ fuerint Prusiæ Magistri, & Crucigerorum (excipio partes à dominatione eorum antea immunes) imperium excutientis. Et quomodo non dubitaret, cum Romani Pontifices, quorum grauissima semper in Regno authoritas, causam Prutenorum (non tamen Regiam) iniquâ decerneret, & Romani Imperatores damnarent. sed vti est egregia tua Philosophia, tam fecundè consecutiones conglomerans infer: *Quid hoc est aliud quam quodammodo indigitare iniuste Borussiam Regno unitam?* Respondeo tibi mi Patrici, D. Casimirus Poloniæ Regem, hoc ipso quod deficientes à Crucigeris Prutenos & extrema necessitate ad quærendum aliquem Dominum adactos in suam tutelam & subiectionem acceperit, non ideò causam eorum approbauisse, sed eo posthabito, quodcunque tunc facerēt Pruteni attendisse, quid sibi faciendum in ea rerum facie ad maiora incommoda auertenda, incumberet. Sicuti neque Casimiri filius Sigismundus Primus Rex Poloniæ, eo quod Alberto Marchioni Brandeburgensi Teuto-

li Teutonici Ordinis Magistro Prussiam Ducalem in
feudum atque futuræ eius proli conferret, non ideo
aut coniugium ipsius, aut causam Marchionij Ordinem
& religionem eiurantis probavit. Et profectò non æ-
quitate causæ Prutenorum (quæ ita clara non erat, ut
dubitare de illa nefas esset) Regem motum tum primæ
Legationis repulsio, tum aliarum diuturnior suspensio,
satis manifestant; inclinabat quidem vehementer Re-
gem, ne tam luculentam, ut ait Cromerus, occasionem
recuperandi ea quæ maiores sui olim amiserant, vix
vnquam postea redituram sibi elabi pateretur, nihilo-
minus tamen tam diu tergiversabatur, donec ipsa peri-
culosi negocij magnitudo moræ impatiens ad alium
Rege tergiversante, querendum Dominum cogere vi-
deretur. Audiamus Historicum:

*Et quamvis Sbigneus Cardinalis & Episcopus Cracou.
Ioannes Wladislauensis Episcopus, nonnulliq; alij disuade-
rent, Ioannes de Teczyn, Palatinus Cracouien. & ceteri
differri rem expeterent, secundum tamen consultationem
Ionnis de Czisow Castellani, & aliorum fuit, quindecim
& amplius dies in consulta. absumpti sunt, ut etiam iu-
niore ad consilium adhiberentur. Placuit nonnullis rem
ad conuentionem generalem differri, præcipuè Ioanni de
Teczyn, Palatino Cracouien. & interim Lithuania Ba-
rones consulens. Prutenorum Legati mentione de differen-
tia audite, iterum veniunt oratum, ne qua dilatio fieret, se
Principes fugitivos questituros, apparebatq; eos in Bohemiam*

miam ituros ad Bohemiæ Regem. Hic RESPECTVS
perpulit Regem & consiliarios, ut dilatione qualibet cir-
cumscripta sine cunctatione deditionem acciperet. Huc-
usque Dugossus. Vide quid Regem potissimum mo-
uerit occasio, nimirum recuperandi amissas terras, &
præsertim noui alicuius, & potentis vicini metus, à
quo noua Regno pericula oriri potuissent. Itaque
non est hoc quod imperitè Aurimontano obijcis, Re-
gio diplomati contradicere, aut Tyrannos & tyranni-
dem approbare. Sed eum eodem has potissimas cau-
fas recensente conuenire, reliqua etenim magis ex Pru-
tenorum assertionibus, quàm ex mente Regia in Pri-
uilegio referuntur, ut consideraturo patere potest, &
ut causam Prutenorum (excepio semper quos supra
memorauimus) tùm pessimè nomine defectionis, per to-
tum Orbem Christianum audientium, saltem ille qui
susciperet, quantum posset coloraret. Ac tametsi e-
tiam Rex in aliquot factis Cruciferorum, ut apud mi-
lites non est nouum, tyrannidem fateatur interuenis-
se, non tamen idcirco Cruciferos mox Tyrannos, sed
semper Magistrum & Ordinem Prusiæ in Priuilegio
appellat. Neque huiusmodi tyrannis aut quod à Ty-
rannis Prussia teneretur, Regium animum ad susci-
piendos Prutenos permouit, sed ne à Tyranno inua-
deretur, verba sunt Priuilegij: Veritiquè ne Domi-
nia, sortes, & terras, & hæreditates nostras, alius illicitus
occupator Tyrannusque, ex quo nobis hostilitas maior
confur-

con
 tius
 nico
 Prin
 non
 cile
 bi in
 Polc
 tur,
 quin
 eiger
 Præf
 douie
 fatos
 Regi
 mena
 Succ
 Consi
 Ora
 perp
 sam,
 nem
 Rex
 dine
 ferta
 Reg
 iam

confurgeret inuadat. Et certè meliùs & honorificentiùs, inclytum Casimirum Regem de Ordine Teutonico (quem etiam postea & nostro sæculo Maximorù Principum, Regum & Imperatorum filij & nepotes non dedignantur) atque tu tibi imaginaris, sensille facile conijcere est ex conditionibus perpetuæ pacis, vbi inter alias hanc etiam conditionem poni voluit, vt Polona Nobilitas, ad Teutonicum Ordinem assumere-
tur, quos ad Tyrannidem institui certè non voluit. quin & summo honore postea dignos iudicauit Crucigeros Rex & Regnum. Audi verba perpetuæ pacis: *Prefatus Serenissimus Casimirus Rex, Nos fratrem Ludouicum Magistrum Commendatores, & Ordinem prefatos in Prussia, omnesq; nostros successores, in suum & Regni Polonia Principem, Consiliarium perpetuum, Commendatores verò principales quos nos Magister & Successores nostri, pro tempore duxerimus, deputandos in Consiliarios suos, & Regni Polonia assumpsit.* Sed & in Oratione ad PAVLVM II. Papam pro ratificanda perpetua pace, per Legatos suos, Vincentium Kielbasam, Episcopum nominatum Culmensensem, & Ioannem Ostrorog, Castellatum Miedzirzecensem, habitas; Rex Casimirus Magistrum Crucigerorum & totum Ordinem Summo Pontifici singulariter commendat. Inserta est ea Oratio Libro Priuilegiorum, ex mandato Regis Alexandri, Cracouia Anno 1506. edito. Hinc iam precit in constituere potes, quanti aestimanda sit

tua tot pulcherrimarum consequentiarum agglomeratione. cuius robur ut clarius perspicias, parique tecum qua supra liberalitate agam. Do, mi Patrici, nequaquam alioquin daturus, etiam Regem & Regnum, non habuisse iustam causam Prussiae acceptandae, & sibi vindicandae, tamen minimè inde sequitur, *iure eam nunc diuelli à corpore Poloniae posse*, cum in conditionibus perpetuae pacis, Magister cum Ordine Teutonico, perpetuam & irrenuocabili renunciatione, Iuri sorti proprietati titulo & dominio quocunque, & qualicunque causa in illis Prussiae terris Ordini competentibus cesserit, & renunciarit, & in Casimirum Regem Successores suos & Regni Poloniae, transtulerit & applicarit.

IUSTVS PATRICIVS.

39. Nouit Ciuitas, quod non ab hominum industria, sed solius Dei dispositione portuum dependeat commoditas & conseruatio, &c. Et quidem hoc in loco (Gedani) quo fortassis opportuniorem vix aliquis inueniet, nisi qui summi istius artificis opus corrigere ac voluntatem impedire voluerit.

IO. ANTON. CARNIOLVS.

Nouerunt quoque alij, mi Patrici, non tantum portuum commoditatem & conseruationem, sed etiam ipsam humanam industriam, portuum commoditates variantem & transferentem, à Diuina dispositione pendere, quae suo nutu ita in mundo gubernat vniuersa, ut mortalium iuuat, non liget voluntatem aut manum. Itaque non extra rem proposuerat Aurimontanus Battauorum industriam, quae opportuniorem longè portum & locum

& locum nihil morata, celebratam paulò ante toto Orbe Antuerpiensium fortunam aliò transtulit, & vide quantum opulentissimam ciuitatem depressit! an summi illius artificis perfectissimum opus corrigere voluerit, aut Dei voluntatem impedire, nescio; hoc scio, portum correxisse.

IVSTVS PATRICIVS.

Et in hoc dissuadendo tam anxius es, ut non modo per latus Ciuitatis D. Regi VLADISL AO infelicem præcipitis consilij euentum exprobes; &c. 4

IO. ANTONIVS CARNIOLVS.

Hocce mi Patrici, specimen est modestiæ illius, cuius semper Ciuitatem fuisse asserebas, ut *Regum potentiam vereri, Maiestatem venerari, & gratiam obsequio demereri anxie studuerit?* an verò nunc primum vestra illa modestia in D. Rege VLADISL AO expirauit, cui infelicem præcipitis consilij euentum Ciuitas exprobet. quanquam ego hæc non Ciuitati, sed patriciæ tuæ Ciuitati, adscribere malim, nimis maturè & ante victoriam triumphantis. Fallitur sæpè mi Patrici, contemplator auroræ, & quid serus vehat, vespèr ignorat.

IVSTVS PATRICIVS.

Et hic amor ille patriæ est, quo metus latem exhibes, & ut reuocata beneficiorum memoria, quibus Regum magnifica magis quam prouida liberalitate ornata, est assè i sui & gloriæ memor sit eam hortari allaboras, sed qua fronte fidelem Regi Ciuitatem officij admonere audes, qui tui ipsius tam turpiter obliuisceris, ut nec Regis laudatissimæ memoriæ honori parcas, dum liberalitatem eius minùs 41.

prouidam censendo prodigalitatis, eum quodammodo arguere, beatoſq; Regis cineres inquietare non vereris.

IO. ANTONIVS CARNIOLVS.

Quantauiſ Regaliſ munificentia in ciues effuſio, mi Patrici, tam diu LIBERALITAS vocatur, donec ipſi voluerint; aſt vbi virtutiſ pulcherrimum nomen ſubditorum ingratitudo corrumpit, tum demum PRODIGALITAS appellatur. Itaque liberaliſſimè D. Rex Caſimirus an prodigus fuiſſe videatur, in veſtra poteſtate eſt. quanquam nihil de hoc Aurimontanus, qui Regiam prouidentiam cum magnificentia componendo huic primas dat, quod mi iuſte, Reges non offendit, cum nec Diuinum offendatur numen, ſi dixeris, quod illud humanam imbecillitatem clementi magis quam iuſta ratione gubernet.

42.

IUSTVS PATRICIVS.

Cognitum tibi eſt, Ciuitatem iura ſua habuiſſe, antequam ad Regnum acceſſit. Aliqua ducentos propemodum ante annos à D. Rege Caſmiro non ex nuda liberalitate, ſed reſpectu fidelium notabilium & promptiſſimorum officiorum, euidenter & praeclare durante bello, immenſis ſumptibus & impenſis pro Rege, circa acceptationem Terrarum Pruſſia praſtitorum: Stipendiorum etiam in honorem & utilitatem Regiam, militibus ſolutorum, adeoq; in meritorum compensationem, cum publico Senatorum Regni conſenſu accepiſſe, quae uti vim pacti contractus ac reciproca obligationis habent, ita nemo non intelligit, quod citra conuulſionis & perturbationis periculum interpretationem litera contrariam admittere non poſſint.

IO. ANTON. CARNIOLVS.

Quae Iura Ciuitas antequam ad Regnum acceſſit habuit,

Defensus.

55

habuit, & quanta illa fuerint, iam credo satis à me supra esse elucidatum. Quæ verò non ex *nuda liberalitate sed respectu fidelium officiorum durante bello præstitorum* accepit, ea quæ & qualia fuerint tibi nouissimè Dirfauiæ, aut collegæ forte tuo explicuit. Hoc autem memineras, *sumptus illos immensos* (etsi vix pro Rege magis quàm pro te præstitos) abundè tibi remensos fuisse, ita vt pecuniam illam tuam maiori in scenore collocare nusquam potuisses, adeoque non eo nomine quidquam tibi Rex aut Regnum, sed tu plurimùm Regi Regnoque debeas. Porro & hoc memineras, longè maiora Polonos pro vobis præstitisse, qui circa *acceptationem Prussie* non tantùm pecuniam, sed sanguinem commodarunt, quanquam & pecuniæ multò ampliori pro Prutenis expositæ non pepercerint, ingentibus contributionibus toties per continuos tredecim annos iteratis, vt tandem exhausto toto Regno amplius modus eius parandæ non inueniretur; Nobilitas tot expeditionibus fatigata militiam detractaret, & iam de reddenda Crucigeris, amplas pacis conditiones offerentibus, atque relinquenda Prussia cogitaretur, actumque fuisset, *nisi Prussorum* (verba sunt Cromeri) *Legatio commodum adueniens, orasset Regem, ne se in fidem susceptos, immanibus Cruciferis, ad exquisitos cruciatus, & in teterrimam seruitutem proderet: adeoque in gratiam eorum ipsa sacra templa & aras inuadere, & denudare necessum fuerit, ac Archiepiscopus*

tus Gñe

tus Gnesnensis, Episcopatus Posnanienſis atque Vladislauienſis, ſuorum templorum aurea & argentea vaſa ſtatuas, calices & cruceſ, Regum, Pontificum, Principum, cæterorumque Chriſti fidelium diuinò cui tui dicata dona, in vltum & ſtipendium Prutenſe militiæ conſarint; ſingulis, vt ait Diuagoſſus, *vtriuſq; ſexus fidelibus, nudationem huiuſmodi non tam querelis & vocibus, quàm lacrymis proſequentibus.* hoc ſolo diſcrimine, quod pro commodata pecunia remunerationis & ſolutionis loco, *primùm melendina poſt omnia in inſula bona, quæ hoc tempore duo millia laneorum continent, tum plurima villa in Neringa, & in montanis locis villa, circiter 75. Regiæ ſunt Gedanenſibus munificentia donata:* ad Eccleſiam verò Gneſnenſem, aut Poſnanienſem & alias, ne obolus quidem redierit. Iam hinc metiaris, quàm procul ſeſe extendant tua iſta remunerationis Priuilegia, ne toties *pactis contractibus ac reciprociſ obligationibus,* neſcio qualibus à te conſectis Lectori riſum propines.

Et hæc nunc ſatis ſint, ad Reſponſionem tuam, minutiora quædam in ea non ſum perſecutus, non idèò tamen me ea conceſſiſſe tacendo, ſed negligendo contempſiſſe exiſtumes. veluti vt aliquid exempli cauſa oſtendam, dubium illud tuum de Ioanne Dantiſco, in cuius laudibus Aurimontanus reſenſuerat eum à Carolo V. Imperatore in Hiſpaniam ituro, præ omnibus alijs Legatiſ Comitem itineris aſſumptum fuiſſe, tu verò

tu ve
tibi r
tuiſſe
aut ſi
Eccle
teſte
ſultu
ditat
ba ha

Ioan
tus, ob
Carolu
bus ex
mitem
in n
agnati
modum

Ad
ipſius
millin
& viſ
Imper
Imper
niam
Hoc t
gnato
ptis,
rolun
Eode

tu verò eo tempore eum iam è viuis excessisse ais? facile tibi mi Patrici, si tanti aestimarem ostendere, inquam, potuisssem, ex ipsis literis Ioannis Dantisci ad Regē scriptis, aut si Dantisci fidem, quia Præsul Romano Catholicæ fuit Ecclesiæ, in dubium vocasses, ex ipsa luce Lutheranae fidei testes coegissem, veluti Philippū Camerarium Iuris Consultum, & Reipub. Noriæ Consil. qui in Opere suo Meditationum Historicarum Centuria 3. cap: 68. hæc verba habet.

Ioannes Dantiscus, Sigismundi I. huius nominis Polonia Regis Legatus, ob eruditionem & ingenij elegantiam, in tanta fuit autoritate apud Carolum V. Imperatorem, ut cum is resignato Imperio, & dimissis omnibus externis Legatis, ex Belgio in Hispaniam nauigasset, eum solum Comitē secum duxerit, quem etiam postea, maximis honoribus auxit, eūq; in numerum & ordinem Nobilitatis Hispania, cum toto suo genere & agnatione inseruit. Quod sanè præsertim in illa gente, exteris non admodum in participanda Nobilitate beneuola rarum.

Adduxissem & Thomam Lansium, aut consultationē ipsius, de Principatu inter Prouincias Europæ, in qua simillima: *Ioannis Dantisci, Sigismundi I. Polonia Legati doctrina & vis ingenij, (agnoscis credo, verba tibi non ignoti authoris) ita Imperatoris Caroli animum subegit & occupauit, ut is cum abdicatis Imperij sceptris, dimissis omnibus externis Legatis, ex Belgio in Hispaniam vela faceret, solum Dantiscum Comitē secum duxerit. Hoc tamen te iussissem notare, vbi Camerarius dicit: resignato imperio, & Lansij consultatio, abdicatis imperij sceptris, Aurimontanum tantum asseruisse, eo tempore Carolum V. diadema, necdum deposuisse sed positurum. Eodem modo de alijs cogitabis, si quæ fortè omissa aduer-*

tes, aduertere autē vix poteris, nisi minutiora & responsione haud digna. Cæterum etiam mitius & clementius tecum agi, quā n Responsionis tuæ ferocia requirebat, partim quod mihi imaginatus fuerim, te non omnino peruerso animo, sed rudi pietate quadam & piā ignoratione impigisse, cum toties forum conscientiae, & vtriusq; sæculi tribunalia appelles. quanquam solummodò pierat, s apud te multum, fidei & spei parum aduertam, cum diffinū ingenio & scripto tuo, illud non satis roboris habiturum credideris, nisi subinde conuicijs exornaretur: partim, quod cum non omnibus detur adire Corinthum, ideoq; non Italicis imbutum artibus ingenium, sed calamum cereuisiā tinctum, commiseratione magis quā vindictā dignum censuerim. Quidquid sit, mi sulte, longè prudentius Anonymus Rescriptor, ad Epistolā respondit quisquis tandem ille, dum potius ad Grammaticorum pueriles disceptationes, ad iocos etiam non satis virum decentes Aullicorum, & ad quæuis aliā expatiari maluit, & digredi, quā ad ea, ad quæ tu imprudenter & magna vi rescribentem calamum duxisti. Si tamen is tibi animus adhuc prurit, & plura quærere voles scireque, libenter nutui tuo mea tenuitas obtemperabit, dummodò modestius quæsiueris, & te aliquid profecisse aduertero; aliàs si ita perexeris, me quidem forte à scribendo absterrebis, verum facile aliquem inueneris, qui Styli moderationem tui modestiamque, qua impostèrum vsus fueris, imitatione exprimere conetur.

CON-

CONSTANTIS SINCERI

Spongia Remissa.

DVM Defensionem pro Aurimontano scriptam ad prælum mittere paro. Ecce tibi Spongia quædam *Constantis Sinceri* contra Aurimontanum sese ostendit, quæ quidem, si diem aut tempus quo Gedano soluit, ambigere nec *sincerè* scriptum, *constanter* accipiamus, vnà cum anno 1638. exiuit, etsi denum initio Aprilis altero Anno; Cracouiam adnatauit; alicubi tamen in viciniore Polonia, in decursu Martij, rila dicitur. tantæ moræ causam habet æquissimam: hæsit enim sub glacie congelatæ Vistulæ expectans solutionem; &, quia aduerso flumine eundum fuit, etiam beneuolentiam ventorum. Noui ab alijs duobus non allatum, nouaq; proinde dignum responsione vix aliquid adfert. Quæ hallucinantis Collegæ calamus, circa libertatem macularat, ea paululum hæc non tantum *patrocinium*, sed & *dominium* agnoscens, Spongia aliquatenus abstergete nititur. Præter locos communes, quos ex Poetis, Ouidio, Doula, Seneca, & Aristot. Philosopho bibit, etiam Iurisconsultorum (ut vnde missa sit agnoscas) *Codices* transiuit, & imprimis lauolenti verba ex l. *beneficium. ff. de constit. Principum* imbibit, nimirum *Beneficia quam plenissimè esse interpretanda*: sed forte quæ totiam Poetarum & Philosophorum impleta & ebria succo, non *quam plenissimè* legem exhaustit, nam in fundo glossas reliquit; quarum prima eiusdem legis *Beneficium Principis in alterius iniuriam plenissimè interpretari non oportet*. altera *Privilegia ita interpretari oportet, ut non tollant ius commune*, sed & *capit. Cum dilect. de donat. on* pertransijt, verbaque Innocentij Tertij, quod *in contractibus plena, in testamentis plenior, in beneficijs plenissima sit adhibenda interpretatio*. Verum quoniam Spongia ex Privilegio habet nihil horum quæ imbibit, distinguere; neque Beneficium à Privilegio distinxit, exemplo Iurisconsultorum ea quandoque confundendum inuitata. At nec


attingit legem illam: *Privilegium strictè interpretandum, si sit in iudicium Reipublica, tangatq; bonum publicum. l. Si quando. C. de operibus publicis, nec aliam: Privilegium generaliter indultum non includit casum publicæ utilitati contrarium, etsi includeret non valeret. l. iubemus nullam. & ibi Baldus in princ. C. de Sacros. Eccl.* Ad Socium etiam non est deuoluta, Regulam iuris ampliantem, quod nempe adeo *strictè sint interpretanda Privilegia, ut etiam verba improprientur ad hoc, ut mitius ledant ius commune. l. Si quando. in princ. C. de Offic. test.* unde si quid super flumina & aquas conceditur, an id idcirco mox extendi quoque ad maria debeat, quantumvis ea ex butyro non consistant, nec hoc Spongia hausit. Quocirca quia vix quidpiam noui, aut confutatione dignum imbibit, adhæc quia ad Epistolam Aurimontani missa venit, non Epistola sed Spongia, eaque non polita sed polluta, non responso eget sed aqua. Ea de causa eandem HE ï C minime detinendo, secundo flumine Gedanum per Vistulam remittimus, ut ibidem in Oceano Balthico, vocatus in auxilium utroque Habo, & omnibus fluminibus Prussiæ, in tanta totq; aquarum CONFLUË, accuratè eluatur, aque *scholari atramento*, quo plurimum & vehementer infecta est emundetur: vbi purior reuersa fuerit, & aliquid ex ea melioris succi exprimi poterit, calamo id meo excipere non grauabor. Si cuiuspiam id tardum videbitur, sciat is, nullum periculum in mora futurum, neque enim erit intempestium, si Spongia cum appreciatione noui anni in *Martio* emissâ, *Gratiarum actionem in Decembri* reporteret.








*Errata Typografica quæ ob absentiam Autho-
ris irrepperunt.*

Folio	9	ŷ	1	veteris	lege	verteris
	eodem	ŷ	5	veteris	l.	verteris
	eodem	ŷ	<i>ultimo</i>	hac	l.	hæc
	12	ŷ	5	<i>à fine</i> tamen	l.	tantum
	21	ŷ	21	ripe Vistulæ	l.	ripa Vistulæ
	eodē	ŷ	6	<i>à fine</i> Emporeo	l.	Emporio
	26	ŷ	4	imperem	l.	imparem
	28	ŷ	14	quod	l.	quid
	36	ŷ	8	<i>à fine</i> Priuilegia	l.	Priuilegij
	40	ŷ	4	<i>à fine</i> diuersa	l.	diserta
	42	ŷ	4	occasionem	l.	occasione
	eodē	ŷ	13	Domino	l.	Dominio
	43	ŷ	4	<i>à fine</i> sententiæ	l.	sententia
	45	ŷ	8	subisset	l.	subesset
	47	ŷ	6	imperaturum	l.	impetraturum
	49	ŷ	3	Marchionij	l.	Marchionis









Biblioteka Jagiellońska



stdr0006407

